



Bosna i Hercegovina
Federacija Bosne i Hercegovine
UNSKO - SANSKI KANTON

JU DIREKCIJA REGIONALNIH CESTA USK BIHAĆ

Broj: 01-27-1067-19 /19

Datum: 31.01.2020.godine

Na osnovu člana 69, stav (2), tačka e) i člana 70., stav (4), Zakona o javnim nabavkama BiH ("Službeni glasnik BiH" broj 39/14), donosi se

ODLUKA
o poništenju javne nabavke radova
"Saobraćajna signalizacija i oprema"

Član I

Poništava se postupak javne nabavke radova "Saobraćajna signalizacija i oprema".

Član II

Odluka se ima odmah, a najkasnije u roku od 7 dana dostaviti svim ponuđačima koji u učestvovali u postupku, te se istovremeno sa dostavljanjem ove Odluke ista ima objaviti na internetskoj stranici www.cesteusk.com.

Član III

Odluka stupa na snagu danom donošenja.

O b r a z l o ž e n j e

Postupak javne nabavke radova "Saobraćajna signalizacija i oprema" pokrenut je Odlukom o pokretanju postupka broj: 01-27-1067-1/19 od 02.10.2019.godine.

Komisija za provođenje ovog postupka imenovana Rješenjem o izmjeni Rješenja o imenovanju Komisije za javnu nabavku radova broj: 01-27-1067-3/19 od 27.11.2019.godine pristupila je provođenju postupka javne nabavke.

Javna nabavka je provedena putem otvorenog postupka.

Javna nabavka je objavljena na portalu javnih nabavki E-nabavke brojem obavještenja: 213-1-3-114-3-56/19 od 29.11.2019.godine.

Krajnji rok dostavljanja ponuda određen je za dan 06.01.2020.godine u 12 sati.

Dan otvaranja ponuda određen je za dan 06.01.2020.godine u 12 i 30 sati.

Do datuma određenog kao krajnji rok za prijem ponuda pristigle su slijedeće ponude.

R/b	Broj protokola	Naziv / Ime ponuđača (šifra)	Ukupna cijena ponude bez PDV-a
1.	01-27-1067-7/19	BULJAN CESTE d.o.o. Kreševo	826.875,58 KM
2.	01-27-1067-9/19	SACOM d.o.o. Ilijaš	563.498,52 KM
3.	01-27-1067-10/19	MRKONJIĆPUTEVI d.o.o. Mrkonjić Grad	369.901,34 KM
4.	01-27-1067-11/19	KOV-GRAD d.o.o. Bužim	1.119.540,40 KM

Otvaranju ponuda nisu prisustvovali predstavnici ponuđača.

Dana 06.01.2020.godine Komisija je pristupila pregledu i ocjeni, te sačinila zapisnik broj: 01-27-1067-18/19 od 31.01.2020. godine koji se dostavlja svim učesnicima u postupku.

Nakon pregleda i ocjene ponude komisija je zauzela slijedeći stav:

Aktom broj: 01-27-1067-14/19 od 08.01.2020. godine traženo je pojašnjenje ponude u smislu pojašnjenja dokaza o uspješno realiziranim ugovorima, odnosno da se jasno precizira koji dio redovnog održavanja cesta se odnosi na radove saobraćajne signalizacije i opreme cesta. Ponuđač je dostavio pojašnjenje aktom br. 01-345-116-M/20 od 15.01.2020. godine, koje je Komisija prihvatila.

Prihvatljivost ponuda prema obliku, sadržaju i potpunosti iz zapisnika sa otvaranja ponuda, Komisija je zauzela stav da su sve ponude prihvatljive u smislu da su dostavljene blagovremeno, spakovane u skladu sa zahtjevima navedenim u TD, u istim kovertama dostavljene i kopije ponuda.

Nadalje, analitičkim prikazom traženih i dostavljenih dokumenata, Komisija je konstatovala da su tri ponuđača: "Sacom" d.o.o. Ilijaš, "Mrkonjićputevi" d.o.o. Mrkonjić Grad, i "Kov-grad" d.o.o. Bužim dostavili svu traženu dokumentaciju, za koju je Komisija utvrdila da je valjana, odnosno da odgovara svim zahtjevima postavljenim TD-om, a da ponuđač "Buljan ceste" d.o.o. Kreševo nije dostavio svu dokumentaciju zahtijevanu TD-om.

Shodno navedenom, ponuda ponuđača "Buljan ceste" d.o.o. Kreševo se odbija iz razloga što je nepotpuna, te nedostaju sljedeći dokumenti: potvrda banke o solventnosti, ovjerena kopija bilansa stanja za 2018. godinu, dokazi koji mogu potvrditi da je vrijednost uspješno realiziranih ugovora, za traženi period, jednaka ili veća od procijenjene vrijednosti nabavke, dokazi o raspolaganju tehničkom opremom, uvjerenje porezne uprave o stalno zaposlenom voditelju radova, dokazi za obrazovne i prof. kvalifikacije voditelja radova, garancija za ozbiljnost ponude, a osim toga, spisak zaposlenih nije ovjeren od nadležnog organa.

Kako je cijena ponude ponuđača "Mrkonjićputevi" d.o.o. M. Grad za 56,04 % niža od prosjeka cijena preostalih prihvatljivih ponuda, te za 34,36 % niža od cijene drugorangirane ponude, u skladu sa odredbama člana 66., Zakona o javnim nabavkama i člana 17., stav (7)., Uputstva za pripremu tenderske dokumentacije i ponuda, Komisija je tražila objašnjenje cijene ponude, aktom br. 01-27-1067-16/19 od 17.01.2020. godine. Ponuđač "Mrkonjićputevi" d.o.o. Mrkonjić Grad je dostavio pojašnjenje, aktom br. 01-345-208-M/20 od 24.01.2020. godine, u kojem je između ostalog navedeno da u cijenama nekih pozicija radova (poz. od 210 – 217) nije uračunata nabavka znakova, tabli, stubova i ostalog materijala, da je obračunata samo ugradnja, jer je tako shvaćeno iz TD-e, iako je 13.12.2019. god. na pitanje za pojašnjenje ovih pozicija radova Ugovorni organ dao detaljno pojašnjenje, da je u cijenu potrebno uključiti i nabavku svih potrebnih materijala, i ovaj ponuđač je te odgovore odštampao i dostavio kao sastavni dio ponude.

Prema navedenom je zaključeno da je kroz zahtjev i odgovor za objašnjenje cijene ponude utvrđeno da je ponuda ponuđača "Mrkonjićputevi" d.o.o. Mrkonjić Grad nepotpuna, jer nije uračunata nabavka svih potrebnih materijala, a što bi cijenu ponude značajno uvećalo, za šta bi Ponuđač, kod izvođenja radova, imao osnova tražiti dodatna sredstva, tj. mijenjati ponudu.

Kako Ponuđač nije podnio osnovano i prihvatljivo obrazloženje cijene ponude, u skladu sa članom 66., stav (1)., Zakona o javnim nabavkama, ponuda ponuđača "Mrkonjićputevi" d.o.o. Mrkonjić Grad se odbacuje.

Prihvatljive su 2 ponude, od kojih su obje veće vrijednosti od planske vrijednosti Ugovornog organa (Planska vrijednost 470.085,47 KM):

1. "SACOM" d.o.o. Ilijaš..... 563.498,52 KM
2. "KOV-GRAD" d.o.o. Bužim..... 1.119.540,40 KM

Nakon provedenog postupka, i s obzirom na to da su obje dostavljene prihvatljive ponude značajno veće od planske vrijednosti ugovornog organa, Komisija je dala slijedeću preporuku Ugovornom Organu:

da donese odluku o poništenju postupka javne nabavke „Saobraćajna signalizacija i oprema”, jer su cijene obje valjane ponude značajno više od procijenjene vrijednosti ugovornog organa.

Imajući u vidu da je Komisija pravilno i blagovremeno sačinila Zapisnik o pregledu i ocjeni ponuda, Ugovorni organ je odlučio kao u ovoj Odluci.

POUKA O PRAVNOM LIJEKU

Protiv ove odluke može se izjaviti žalba najkasnije u roku od 10 (deset) dana od dana objave ove Odluke.

Obradivač akta

Pomoćnik direktora

direktor

Amir Osmanović, dr sc.oec



Dostavljeno:

- BULJAN CESTE d.o.o. Kreševo, Troska bb
- SACOM d.o.o. Ilijaš, Luka bb
- MRKONJIĆPUTEVI d.o.o. Mrkonjić Grad, Podbrdo bb
- KOV-GRAD d.o.o. Bužim, Mrazovac 326
- Web stranica www.cesteusk.com
- u spis